



MØTEPROTOKOLL

Utval: Personal og økonomiutvalet
Møtedato: 26.11.2009
Møtetid: 15:00 - 18.40
Møtestad: Kommunehuset

Av 5 medlemmer møtte 5, inkludert varamedlemmer.

Andre som var til stades på møtet:

Teknisk leiar Erstad under sak 69/09 Ped.konsulent Steinsland under sak 70/09 Ass.rådmann Våge under heile møtet Rådmann Ramsli under sakene 70/09-76/09

Merknader:

Vidar Rolland fekk permisjon frå møtet kl.17.30. Dvs. f.o.m. sak 71.

Orienteringar/meldingar:	Ordførar orienterte om
---------------------------------	------------------------

- | | |
|--|---------------------------------------------------------------------------------------------------------------------------------------------------------------------------------------------------|
| | <ul style="list-style-type: none">• budsjettforslag til kyrkja vedk. talet møtegodtgjersle til soknerådet.• Tenning av juletre på Bjørkheim samt lyssetting av paviljongen |
|--|---------------------------------------------------------------------------------------------------------------------------------------------------------------------------------------------------|

Evt. merknader til protokollen må sendast Samnanger kommune innan 3 dagar.

Tysse, 01.12.2009

Desse sakene vart handsama:

SAKLISTE

Saker til handsaming på møtet			
Sak nr.	Arkivsak	Sakstittel	Merknad
068/09	09/655	Faste saker	
069/09	09/17	Fleirbrukshall i Samnanger	
070/09	09/33	Framtidig skulestruktur i Samnanger, langsiktig og kortsiktig løysing	
071/09	09/651	Finansiering høgdebasseng. Ytre Tysse	
072/09	09/544	BIR - Eigarskap til bossnett	
073/09	09/544	BIR AS - Einerett til lovpålagde oppgåver innan avfallsområdet.	
074/09	09/496	Samnanger kommune sitt framtidige engasjement innan arbeid med næringsutvikling med utgangspunkt i vedtak om ProSam as	
075/09	09/644	Overføring av midlar frå driftsbudsjett 2009 til bruk i 2010	
076/09	09/643	Saltlager Ulland - bodgjeving og evt.kjøp	U Ikkje offentleg

Saknr. 068/09
FASTE SAKER

Rådmannen sitt framlegg til vedtak:

- Møteinnkallinga og saklista vert godkjent
- Protokollen frå førre møte vert godkjent

26.11.2009 Personal og økonomiutvalet

Handsaming i møtet: Rådmannen sitt framlegg til vedtak vart samrøystes vedteke.

PØ-068/09 Vedtak:

- Møteinnkallinga og saklista vert godkjent
- Protokollen frå førre møte vert godkjent

Saknr. 069/09
FLEIRBRUKSHALL I SAMNANGER

26.11.2009 PERSONAL OG ØKONOMIUTVALET

Handsaming i møtet:

Fellesframlegg: ”Kommunestyret løyver inntil kr. 150.000 i tilleggsøyving til vidare utgreiingsarbeid om fleirbrukshall, jfr saksutgreiinga. Pengane vert løyvde frå disposisjonsfondet.” Samrøystes vedteke.

PØ-069/09 Vedtak:

Kommunestyret løyver inntil kr. 150.000 i tilleggsøyving til vidare utgreiingsarbeid om fleirbrukshall, jfr saksutgreiinga. Pengane vert løyvde frå disposisjonsfondet.

Saknr. 070/09

FRAMTIDIG SKULESTRUKTUR I SAMNANGER, LANGSIKTIG OG KORTSIKTIG LØYSING

26.11.2009 PERSONAL OG ØKONOMIUTVALET

Handsaming i møtet:

Marit Aase (Krf) sette fram følgjande framlegg:

”Langsiktig løysing:

Samnanger kommune vil satsa på to skular: Nordbygda og Gjerde, slik det kjem fram i Alt B. Då vert det 1-7 på Gjerde, og 8-10 på Nordbygda med hall i Bjørkheimsområdet (A1 eller A5) Uteområdet ved Nordbygda skule må takast vare på og vidareutviklast i høve dei lærings- og utviklingsmåla ungdomsskulen har arbeidd fram i sine planar i høve til fysisk aktivitet/nærmiljø.

Kortsiktig løysing:

Elevane vert samla på Gjerde 1-7 og SUS 8-10 medan ein rehabiliterar/byggjer om Nordbygda skule til ungdomsskule.”

Vidar Rolland (Bgl) sette fram følgjande framlegg:

”Kortsiktig løysing:

Vedtaket frå PØ av 13-14 nov. blir oppretthalde.

Langsiktig løysing:

Alt A; 1-4 Gjerde, 5-10 Nordbygda

Alternativt – Alt; E 1-4 på Gjerde 5-10 Lauvskar. ”

Brigt Olav Gåsdal (Ap) sette fram følgjande framlegg:

”Kortsiktig løysing:

Vegen mot ein framtidig permanent skulestruktur i Samnanger skal skje etter følgjande modell: Frå hausten 2010 skal 1-4 trinn gå på Gjerde skule, 5-7 på Nordbygda skule og ungdomsskulen som no.

Langsiktig løysing:

Gjerde skule skal byggast ut til ein 1 til 7 skule og deretter skal Nordbygda byggast om til ungdomsskule i ein el. Annan kombinasjon med hall. Det vidare arbeidet må visa gjennomføringsplan med tidsplan og kostnadsoverslag.”

Øyvind Røen (SP) sette fram følgjande framlegg:

”Langsiktig løysing:

Den langsiktige løysinga for skulen i Samnanger vert avgjort samstundes med at spørsmålet om bygging av fleirbrukshall vert avklara.”

Det vart først **prøverøysta** over framlegga.

Aase sitt framlegg fekk 1 røyst.

Røen sitt framlegg fekk 1 røyst.

Første delen av Rolland sitt framlegg fekk 3 røyster.

Andre delen av Rolland sitt framlegg fekk 2 røyster.

Gåsdal sitt framlegg fekk 1 røyst.

Endeleg røysting:

Røen sitt framlegg fekk 1 røyst

Aase sitt framlegg fekk 2 røyster

Gåsdal sitt framlegg fekk 0 røyst.

Første delen av Rolland sitt framlegg fekk 3 røyster og vert med det vedteke.
Andre delen av Rolland sitt framlegg fekk 2 røyster.

Det vart til slutt røysta alternativt over Aase og Rolland sitt framlegg til langsiktige løysing, Rolland sitt framlegg fekk 3 røyster og vert med det vedteke. Aase sitt framlegg fekk 2 røyster.

PØ-070/09 Vedtak:

Kortsiktig løysing:

Vedtaket frå PØ av 13-14 nov. blir oppretthalde (dvs. 1-4 Gjerde, 5-7 Nordbygda, 8-10 SUS).

Langsiktig løysing:

Alt A; 1-4 Gjerde, 5-10 Nordbygda

Alternativt – Alt; E 1-4 på Gjerde 5-10 Lauvskar.

Saknr. 071/09

FINANSIERING HØGDEBASSENG. YTRE TYSSE

26.11.2009 PERSONAL OG ØKONOMIUTVALET

Handsaming i møtet:

Framlegg frå Marit Aase:” Finansiering høgdebasseng Ytre Tysse.

Det vert gjeve ei tilleggsfinansiering til høgdebassenget Ytre Tysse på inntil kr. 1.000.000,-.

Frå fond vassverk knt. 251.20.620 kr. 400.000.

Låneramma i tiltaket vert auka med inntil kr. 600.000.”

Samrøystes vedteke.

PØ-071/09 Vedtak:

Finansiering høgdebasseng Ytre Tysse

Det vert gjeve ei tilleggsfinansiering til høgdebassenget Ytre Tysse på inntil kr. 1.000.000,-.

Frå fond vassverk knt. 251.20.620 kr. 400.000.

Låneramma i tiltaket vert auka med inntil kr. 600.000.

Saknr. 072/09

BIR - EIGARSKAP TIL BOSSNETT

26.11.2009 PERSONAL OG ØKONOMIUTVALET

Handsaming i møtet:

Marit Aase (Krf)sette fram følgjande framlegg:

”1. Drifts- og kapitalkostnader ved utbygging av bossnett vert dekkja over dei framtidige renovasjonsgebyra, gjennom eit grunnpåslag til alle abonnentar i BIR-kommunane og ei brukarbetaling frå dei som er tilkopla bossnettet. Finansieringa vert gjort gjennom selskapet BossNett AS, med kommunal garanti frå BIR sine eigarkommunar.

2. Det vert stilt sjølvskuldarkausjon for finansieringa i samsvar med eigen eigardel i BIR AS.

3. Det vert tilrådd at vedtektene for BossNett AS vert endra slik at virkeområdet for BossNett AS omfattar alle BIR kommunar. ”

Det vart røysta over framlegget. 2 røysta for og 2 røysta mot. Framlegget vart vedteke med ordføraren si røyst.

PØ-072/09 Vedtak:

1. Drifts- og kapitalkostnader ved utbygging av bossnett vert dekkja over dei framtidige renovasjonsgebyra, gjennom eit grunnpåslag til alle abonnentar i BIR-kommunane og ei brukarbetaling frå dei som er tilkoplta bossnettet. Finansieringa vert gjort gjennom selskapet BossNett AS, med kommunal garanti frå BIR sine eigarkommunar.
2. Det vert stilt sjølvskuldarkausjon for finansieringa i samsvar med eigen eigardel i BIR AS.
3. Det vert tilrådd at vedtektene for BossNett AS vert endra slik at virkeområdet for BossNett AS omfattar alle BIR kommunar.

Saknr. 073/09**BIR AS - EINERETT TIL LOVPÅLAGDE OPPGÅVER INNAN AVFALLSOMRÅDET.****26.11.2009 PERSONAL OG ØKONOMIUTVALET**

Handsaming i møtet:

Marit Aase (Krf) sette fram følgjande framlegg:

”Samnanger kommune gjev med dette einerett til BIR AS til å utføra kommunen sine plikter i samsvar med Forureiningslova § 30, jmf. Forskrift om offentlige anskaffelser §1-3 (2) bokstav h. Eineretten kan vidare tildelast frå BIR AS til 100% eigde dotterselskap som fyller vilkåra for å vera eit offentleg rettsleg organ”

Det vart røysta over framlegget som vart vedteke med 3 mot 1 røyst.

PØ-073/09 Vedtak:

Samnanger kommune gjev med dette einerett til BIR AS til å utføra kommunen sine plikter i samsvar med Forureiningslova § 30, jmf. Forskrift om offentlige anskaffelser §1-3 (2) bokstav h. Eineretten kan vidare tildelast frå BIR AS til 100% eigde dotterselskap som fyller vilkåra for å vera eit offentleg rettsleg organ.

Saknr. 074/09**SAMNANGER KOMMUNE SITT FRAMTIDIGE ENGASJEMENT INNAN ARBEID MED NÆRINGSUTVIKLING MED UTGANGSPUKT I VEDTAK OM PROSAM AS****26.11.2009 PERSONAL OG ØKONOMIUTVALET**

Handsaming i møtet:

Marit Aase sette fram følgjande framlegg:

”Samnanger kommune har prioritert næring- og bygdeutvikling som særleg satsingsområde i kommuneplanen gjeldande fram mot 2017.

Arbeidet med næringsutvikling både regionalt og lokalt er i endring. Kommunen si satsing gjennom ProSam har vore medverande til at ein har lukkast å få i gang fleire mindre prosjekt innan næring- og bygdeutvikling, noko som har utløyst eit sterkt og positivt lokalt engasjement. Det er svært viktig å ivareta det som har vakse fram.

Samnanger kommune er inne i ein viktig fase når det gjeld å ta avgjerd om kommunen sitt framtidige engasjement og ressursar i høve til arbeid med næringsutvikling. Det er venta av konklusjonane kan verta trekte utpå vårparten.

Med bakgrunn i ovanfor nemnde vert ProSAM AS eit såkalla ”sovande” selskap fram til kommunestyremøte i april. Samnanger kommune ynskjer å trekkja dagleg leiar i selskapet inn i rådmannen sin stab i eit engasjement tilsvarande 50% i denne perioden. Dette for å føra det vidare arbeidet med m.a. viktige pågåande prosjekt (t.d. gjennom ”Liv og Lyst”, ”Rydd skogen,” m.m.)

Brigt Olav Gåsdaal sette fram følgjande framlegg:

”ProSam AS vert lagt ned og drifta avslutta innan 1.04.2010. Samnanger kommune si løyving på kr. 300.000 for 2010 vert ståande i budsjettframlegget. Inntil kr. 200.000 kan nyttast til drift av ProSam AS og resten vert nytta i kommunen til å gjennomføra prosjekt som alt er i gang. Kommunen må engasjera ein person for å gjera dette arbeidet. Rådmannen skal ta eit særleg ansvar for at det vert sett opp eit budsjett for første kvartal 2010, her under å ta stoda til kva arbeidsoppgåver som skal prioriterast.”

Det vart røysta alternativt over framlegga. Gåsdaal sitt framlegg vart vedteke med 3 røyster og Aase sitt 1 røyst og fall.

PØ-074/09 Vedtak:

ProSam AS vert lagt ned og drifta avslutta innan 1.04.2010. Samnanger kommune si løyving på kr. 300.000 for 2010 vert ståande i budsjettframlegget. Inntil kr. 200.000 kan nyttast til drift av ProSam AS og resten vert nytta i kommunen til å gjennomføra prosjekt som alt er i gang. Kommunen må engasjera ein person for å gjera dette arbeidet. Rådmannen skal ta eit særleg ansvar for at det vert sett opp eit budsjett for første kvartal 2010, her under å ta stoda til kva arbeidsoppgåver som skal prioriterast.

Saknr. 075/09

OVERFØRING AV MIDLAR FRÅ DRIFTSBUDSJETT 2009 TIL BRUK I 2010

Saka vert lagt fram utan tilråding.

26.11.2009 PERSONAL OG ØKONOMIUTVALET

Handsaming i møtet:

Marit Aase sette fram følgjande framlegg som vart samrøystes vedteke:

”Overføring av midlar frå driftsbudsjettet 2009 til bruk i 2010.

Djuplufting av grasbana i Hagabotnane	knt. 1.1602.3810.2300	kr 100.000
Utbetring av inngangspartiet på Samnangerheimen	knt. 1.1602.2610.2300	kr 115.000
Trygdebustad Skjervo	knt. 1.1602.2650.2300	kr 50.000
Styringssystem for vatn	knt 1.1601.3450.2300	kr. 100.000
Ungdomsrådet	knt 1.1001.1004.4702	kr 25.000

Samrøystes vedteke.

PØ-075/09 Vedtak:

Overføring av midlar frå driftsbudsjettet 2009 til bruk i 2010.

Djuplufting av grasbana i Hagabotnane	knt. 1.1602.3810.2300	kr 100.000
Utbetring av inngangspartiet på Samnangerheimen	knt. 1.1602.2610.2300	kr 115.000
Trygdebustad Skjervo	knt. 1.1602.2650.2300	kr 50.000
Styringssystem for vatn	knt 1.1601.3450.2300	kr. 100.000
Ungdomsrådet	knt 1.1001.1004.4702	kr 25.000

Saknr. 076/09

SALTLAGER ULLAND - BODGJEVING OG EVT.KJØP

Rådmannen sitt framlegg til vedtak:

Samnanger kommune v. leiar av teknisk eining får fullmakt til å gje bod på Mesta as. sin eigedom på Ulland innan ein maksimal kjøpesum på kr 600.000.

Kr 400.000 vert finansiert ved låneopptak over maksimalt 5 år. Inntil det er behov for å ta opp lånet vert midlane dekkja av egne fond (disposisjonsfond) men med same tilbakebetalingsplanen som ved opptak av eksternt lån.

Kr 200.000 vert dekkja ved bruk av kapitalfondet.

Vedtaket er fatta med heimel i § 13 i kommunelova *Utvidet myndighet i haste-saker*.

26.11.2009 Personal og økonomiutvalet

Handsaming i møtet:

Spørsmål om bruk av eiegen til ulike type næringsverksemd i framtida vart drøfta. Ut frå dette vart det fremja framlegg om å utvida ramma til 1 mill. kroner.

Røysting:

Det vart først røysta over om kommunen skulle vera med i ein bodrunde med sikte på å få hand om eiegen. 3 røysta for å vera med i bodrunden, 1 røysta mot.

Dei som røysta for at kommunen skulle vera med i bodrunden (3 medlemmer), røysta alle for å auka ramma til 1 mill. kroner.

PØ-076/09 Vedtak:

Samnanger kommune v. leiar av teknisk eining får fullmakt til å gje bod på Mesta as. sin eiegen på Ulland innan ein maksimal kjøpesum på kr 1.000.000.

Kr 800.000 vert finansiert ved låneopptak over maksimalt 10 år. Inntil det er behov for å ta opp lånet vert midlane dekkja av egne fond (disposisjonsfond) men med same tilbakebetalingsplanen som ved opptak av eksternt lån.

Kr 200.000 vert dekkja ved bruk av kapitalfondet.

Vedtaket er fatta med heimel i § 13 i kommunelova *Utvidet myndighet i haste-saker*.

